

Ministro Booi cu plan pa trece mas ambiente y imagen

ORANJESTAD (AAN) — "Mi tin algo adicional cu mi kier logra tambe," asina Ministro Booi a bisa ariba e plannan cu e tin pa e imagen nobo di Playa y San Nicolaas.

Si tuma L.G.S.Bldv cambianan cu lo bin," Swain Haven project, hotel di De Veer cu su brug, e plannan pa trece nan ambiente y actividad ariba e kade dilanti Oficina di Gobierno sigui bay pabao den direccion di waaf, D.O.W., esaki nan lo trece basta cambio pa nos "waterfront", segun Ministro Booi.

E entrada di e hotel di De Veer lo ta den Shuttestraat. Landskantoer y oficina di turismo lo worde cambia di tal forma cu nan ta pas cu e cambiente nobo cu ta bay bin. E dos edificacionan lo keda mescos nan lo no ser basha abao, e parti ariba di Landskantoer lo ser destina pa Minterraad lo bay tin espacio pa mas oficina. Parti abao ta bay pa oficina di relaciones exterior.

Den e oficina aki Gobierno por ricibi bishitantenan di exterior y tambe Gobierno por tene reunion cu bishitante.

No ta exclui cu por traha un lugar pa servicio di catering.

Parti Noord di e Hotel di De Veer ta bin teraza y parabol unda por sinta bebe koffie ect, segun Ministro Drs Frank Booi.

Ministro Booi di Obran Publico, a sigui bisa, cu si mira con Sr. Liechtenstein a cambia e modelo di Strada, y dilanti di Strada lo bin un plein grandi y patras di e plein caminda Brazilia ta, eyan lo bin un edificio grandi, tambe cu Nassaustraat lo ta worde renova, pues nos ta mira enbreve cu e imagen di Playa lo cambia considerablemente.

"Mi ta kere cu ta mi deber pa muestra for di awor caba na un manera visual kico lo bay bin y kico nos por spera, esaki ta importante pa e comerciantenan por ehempel comercianten-

nan den Nassaustraat cu pa basta tempo no ta di acuerdo cu e cambianan cu ta bin." Segun Ministro

Booi.

"Tin e risico cu Nassaustraat lo perde su caracter di caya principal, pero Ministro Booi a bisa cu su persona a tene debido cuenta cu esey, pesey mes mi ta kere cu nos na tempo ainda, pa nos mus-

tra e comerciantenan ariba e plannan cu ta bay bin pa asina haya nan cooperacion pa bin cu cos nan nobo conhuntamente cu Go-

bierno ya cu Gobierno lo bay renova e caya y kizar nan por yega na renova nan pacusnan tambe y imagen pa asina duna Nassaustraat un cara nobo cu nos por presenta e caya como un concepto nobo y unico cu ta pas den e cambio di city planning cu lo bay tuma lugar," segun Ministro Frank Booi.

E exposicion '88 lo bira algo unico y cu vale la pena, segun Ministro Booi.

Por ehempel tin hopi hende a baha for di Lago cu poco placa, y door di mustanan lo cual ta bay sosode den Playa y San

Nicolaas, esaki por trece nan ariba e idea pa bin cu proyecto chiquito por ehempel teraza, cafe, restaurant of boutique.

Den e exposicion '88 lo ser presenta e plannan pa San Nicolaas, Hooiberg y Spaans Lagoen.

Pa loque ta e plannan pa Spaans Lagoen, esaki lo bira masha bunita y atractivo pa turista.

Pesey den e exposicion aki pueblo di Aruba lo haya sa tur e plannan cu Ministro Drs Frank Booi tin pa pueblo, comercio, inversionista y turistanan.

Merryweather:

Problema di KLM ta perhudica turismo europeo

ORANJESTAD(AAN) — Segun Ministro Plenipo-

tenciario di Aruba na Hulanda, Merryweather, KLM ta realisando cu

Aruba ta un producto hopi importante.

Tempo cu Ministro Mansur tabata di bishita na Hulanda hunto cu Merryweather a reuni cu KLM. Durante e reunion KLM a muestra Ministro Mansur e estadistica y nan a keda asombra cu a cantidad grandi di reservacion di stoel pa vuelonan pa Aruba.

Segun Merryweather, el a pone KLM na altura di e kehonan cu a cuminsa drenta no di parti di Aruba of Hulanda, sino di turistanan di Alemania, Italia y Swisa, kendenan no por reserva asiento debi na e hecho cu ya tur ta reserva.

Merryweather a enfatisa cu e problema di KLM ta un problema serio pa cu desaroyo di turismo di Europa pa Aruba.

Merryweather a bisa cu nan ta desea pa resolve e problema aki na mesa. KLM actualmente ta haciendo uso di acuerdonan bieu y no ta realisa of no kier realisa cu Aruba tin derecho.

Gobierno todo por todo lo busca un manera pa soluciona e problema aki na un manera correcto. Merryweather a enfatisa cu Gobierno no tin ningun intencion di laga KLM perhudica e turismo di Aruba.

Segun Merryweather, por a sinti cerca e Parlamentarionan Hulandes cu tabata na Aruba, e deseo pa resolve e problema KLM.

Merryweather a bisa cu Ministro Bermudez durante su bishita na Hulanda tabata sumamente ocupa, preparando asina pa alternativenan. E no kier a duna comentario si ya a acerca otro companianan Hulandes.

Damas y Caballeros, Pueblo di Aruba
bin waak nos gran surtido di:

TÉ

For di Inglaterra, America (U.S.), Colombia, Hulanda, Alemania, China etc. etc.

Smaak masha dushi mes, Bon pa Bo salud;
e ta REBAHA PESO y ta duna Bo MAS BUNITESA.
INCREIBLE !!!



Container di: RABO, CARNISA, OREA, SNUIT di PORCO
(pignouth) a yega siman pasa.

BERDURA y FRUTA Fresco Fresco for di Miami.

SPECERIJ marca: "Badia" ta No. 1 ariba mercado,
BON CALIDAD y HOPI BARATA.

Bin nishita nos y convence Bo mes.
pa PEDIDO yama na:

KONG HING
Supermarket N.V.

na Havenstraat 16. tel. 21698-21219.

TELE ARUBA DIAHUEBS JAN 14

- 6.00 Ghostbusters
- 6.30 CNN Int'l News
- 7.30 Memoria
- 8.00 Telenoticias
- 8.30 Miniserie: Intimate Contact Pt. 2
- 9.30 Where there's life: Surrogate motherhood
- 10.00 Larry King Show
- 10.50 Showbiz today
- 11.10 SIGN OFF

AVIS Rent-A-Car

TIN MESTER DI
2 MUCHA MUHER

pa traha como : SALES REPRESENTATIVE
Cu rijbewijs,
MAVO diploma
Mester por core auto standard y
willing pa traha warda.

Acudi personalmente na: KOLIBRISTRAAT 14
Durante oranan di oficina.